

মানস-কুসুম।

—*—

শ্রীকালিদাস মিত্রবিরচিত।

কলিকাতা।

সিমুলিয়া, বলরাম দেব ষ্ট্রীট ৬৮ সংখ্যক ভবনে কুপানন্দ যজ্ঞে
শ্রীনকরচন্দ্র সরকার দ্বারা মুদ্রিত।

সন ১২৯৬ সাল।

PRESENTED TO *The Editor*
Auroo-sundhan.

WITH THE AUTHOR'S BEST *compliments*

32 Maniktollah Street,

CALCUTTA, *Dec 2*, 1889.

বিজ্ঞাপন ।

“মানস-কুসুম” বাঁহার প্রয়োজন হইবে, তিনি
নিম্নলিখিত ঠিকানায় আমার নিকট তত্ত্ব করিলে
পাইতে পারেন ।

শ্রীকালিদাস মিত্র ।

১২ নং মাণিকতলা ষ্ট্রীট, সিমুলিয়া—কলিকাতা।

নির্ঘণ্টপত্র ।

বিষয়	পৃষ্ঠা
কিছুই কিছু নয় ...	১১
সুখী কে ? ...	১৪
নববিবাহিত বন্ধুর প্রতি ...	১৬
অপূর্ব মিলন ...	১৯
কোন বন্ধুর পুত্রের জন্মোপলক্ষে ...	২৯
নিরাশ প্রণয় ...	৩২
পতিহীনা নারীর বিলাপ ...	৩৬
জুবিলি ...	৪০
হিন্দুকুলবালার আক্ষেপ ...	৪৪
বিবাহ ...	৪৮
ইয়ং বেঙ্গল ...	৫৩
মাতাল ...	৫৯
মদের মাহাত্ম্য ...	৬২
পল্লিগ্রামে সমাধি দর্শনে ...	৭৬
সংসার ...	৯১

উপহার ।

শ্রীযুক্ত বাবু কিরণচাঁদ মিত্র !

প্রিয়তম মনোমত সুহৃদ কিরণ !
শৈশবের সহপাঠী বান্ধব-রতন ।
নিরমল প্রণয়েতে পরিপূর্ণ মন,
কত ভালবাসা তব হৃদে অনুক্ষণ ।

•

সেই ভালবাসা-পাশে আবদ্ধ হইয়া,
আশাবীজ হৃদিমাঝে রোপণ করিয়া ।
অঙ্কুরিত করি ক্রমে করিয়া বর্দ্ধন,
বৃক্ষরূপে পরিণত করেছি এখন ।

•

তাহাতে ফুটেছে এই কুসুম-রতন,
মানস-কুসুম মৃদু আদরের ধন-।
আনন্দে তাহারে সখা করিয়া চয়ন,
ভাবিলাম কারে দিলে করিবে গ্রহণ ।

অন্য কারে দিয়া মন তুষ্ট নাহি হয়,
 তব করে এ কুসুম বড় শোভা পায় ।
 তব প্রেম ডোরে বদ্ধ আমার হৃদয়,
 সে হৃদয়জাত ফুল যাইবে কোথায় ?

বহু কষ্ট করি গথা এ কুসুমভার,
 কত যত্নে ফুটায়েছি মানসে আমার ।
 সাদরে যুগল ভুজ করিয়া বিস্তার,
 দিলাম তোমারে মম স্নেহ উপহার ।

অভিনন্দন

কালি ।

মানস-কুসুম ।

—*—

কিছুই কিছু নয় ।

কে তুমি মানব কি হেতু বল না,

সতত সহিছ সংসার যাতনা ।

কিবা দুঃখে হায় কাঁদিছ বল না,

কি সুখে আবার নাচে হৃদয় ?

কুহকিনী-পাশে জন্মাবধি বদ্ধ,

পার্শ্বি সুখেতে সততই মুগ্ধ ।

ঘোর মায়াজালে হইয়া আবদ্ধ,

কি হেতু বল না ভ্রমিছ হায় ?

ভাই বন্ধুগণে হইয়া বেষ্টিত,

মনোহর বেশে হইয়া সজ্জিত,

ইন্দ্রিয় রুত্তিতে হইয়া মোহিত,

কিবা সুখ তাহে লভিতে চাও ?

সুমিষ্ট আহার করিছ ভোজন,
 সুগন্ধ শরীরে করিছ লেপন,
 সুন্দর উদ্যানে করিছ ভ্রমণ,
 কিন্তু তাহে সুখ কদিন পাও ?

ষড়রিপু-বশে হইয়াছ মত্ত,
 নিজ স্বার্থ হেতু সততই ব্যস্ত,
 কভু না করিলে পরাংপর তত্ত্ব,
 রুথা ভাবিতেছ বাতুল প্রায় ।

ভাই বন্ধু সূত দারা পরিবার,
 ধন মান রূপ যশ অহঙ্কার,
 ভাবিছ এ সব সর্ব-সুখ-সার,
 কিন্তু কালে সব হইবে লয় ।

তাই একবার ভাব দেখি মনে,
 কে তুমি কি হেতু আইলে এখানে,
 সবে আপনার কেন ভাব মনে ?
 অম্পকাল স্থায়ী তুমি যথায় ।

চিরদিন যাহা না রহিবে তব,
তারে কেন সদা আত্ম বলি ভাব ;
ভাই বন্ধু স্মৃত বিষয় বৈভব,
কালেতে ত্যজিবে সবে তোমায় ॥

ঐহিক আমোদ তেজ অহঙ্কার,
মান কুল যশ অর্থ অলঙ্কার ;
জানিহ এ সব সকলি অসার,
অন্তিমে সঙ্গী না হবে তোমার ।

.

সকলি অনিত্য স্থায়ী কিছু নয়,
ভ্রমিতেছ তবে কেন অন্ধপ্রায় ?
থাকে যদি হৃদি-সুখের আশায়,
বৈরাগ্য অন্তরে করহ সার ॥

ইন্দ্রিয়-তাড়ন সংসার-ছলন,
মায়া আকিঞ্চন আশা-প্রলোভন,
অন্তর হইতে করহ বর্জন,
নচেৎ না হবে সুখী হৃদয় ।

জগত মাঝারে কেহ নয় কার,
 অনিত্য সকলি অনিত্য সংসার,
 দেহ মনপ্রাণ সকলি অসার
 সার জেনো কিছু কিছুই নয়

সুখী কে ?

সার্থক জন্ম সার্থক জীবন
 সুখের পরাণ তাহার কহে ।
 জগত মাঝারে দাসত্বের ডোরে
 কখন যে জন আবদ্ধ নহে ।
 সদ্গুণ সকল একমাত্র বল
 আত্মরক্ষা হেতু যাহার হয় ।
 সতত সত্যতা যার নিপুণতা
 পরমার্থ যার শ্রেষ্ঠ আশ্রয় ।
 ইন্দ্রিয় সকল করিতে বিকল
 নিয়ত যাহারে অক্ষম হয় ।
 যাহার জীবন সদা ভয়হীন
 মৃত্যুতরে যেবা কাতর নয় ।

পার্থিব সুখ্যাতি যশ প্রতিপত্তি
 লভিতে যে জন নাহিক চায় ।
 হিংসা পাপক্রোধ মান উপরোধ
 না জানে যে জন কাহারে কর ।
 তোষামোদ বলে বিষময় ফলে
 ঝুলিছে যতেক মানবপ্রাণ ।
 যে জন কখন জানে না কেমন
 ছায়া মাত্র তার কত ভীষণ ।
 সমাজ-শৃঙ্খল • নিয়ম সকল
 অজ্ঞাত সতত নিকটে যার ।
 বিধাতৃ-নিয়ম সদা যেই জন
 ভাবয়ে সকল নিয়ম সার ।
 নাহি কিছু যার অবনিমাঝার
 উদ্বিগ্ন মানব যাহার তরে ।
 সতত যে জন যাপিছে জীবন
 হিতাহিত জ্ঞানে নির্ভর করে ।
 করিতে আশ্রয় পারিষদগণ
 ঐশ্বর্য্য সম্পন্ন যে জন নয় ।
 নাহি শত্রু যার বিপদে তাহার
 আনন্দে হৃদয় প্রফুল্ল হয় ।

করে না যে জন ঈশ্বর ভজন
 মান রূপ যশ অর্থের তরে ।
 নিয়ত যে জন করয়ে যাচন
 ঈশ্বর নিকটে কুপার তরে ।
 নিষ্পাপে যে জন করয়ে ক্ষেপণ
 বন্ধু বা পুস্তক সহিত কাল ।
 যাহার শাশন ইন্দ্রিয় দমন
 রাজত্ব যাহার রিপু সকল ।
 সম্পত্তি যাহার সদা সু-আচার
 সদৃশ যাহার সর্বস্ব ধন ।
 সার্থক সে জন সার্থক জনম
 যথার্থই সুখী তার জীবন ।

নববিবাহিত বন্ধুর প্রতি ।

শুনিয়া তোমার সখা নব পরিণয়,
 কত যে সুখেতে মগ্ন হইল হৃদয় ;
 প্রকাশি সে সুখঘোর,
 ক্ষমতা নাহিক মোর,
 লিখিতে অক্ষম তাহা লিপিবহির্ভূত,
 বচনে না শেষ হয় হৃদয় উন্মত্ত ।

এতকাল একা ছিলে জগতমাঝারে,
 হইলে এখন সখা আবদ্ধ সংসারে ।
 প্রেমের শৃঙ্খল নব
 হৃদয় গ্রন্থিতে তব
 ক্রমে ক্রমে দৃঢ়ভাবে করিবে বন্ধন ।
 নারিবে জীয়েন্তে তাহা করিতে মোচন ।

উদিত আজি হে তব সৌভাগ্য-তপন
 ভাগ্যবলে পাইলে ঐ রমণী-রতন ।
 প্রেমের আধার জ্ঞানে
 রাখ এ অমূল্য ধনে
 হৃদি সিংহাসনে তব করিয়া যতন,
 প্রণয় পীযুষ হৃদে হও হে মগন ।

যত কিছু এ জগতে আছে সুখময়,
 এর সম কেহ কভু তুলনায় নয় ।
 ঈশ্বররূপার বলে,
 এ হেন রতন পেলে,
 এ হেন ধনেতে তুমি ধনী এ জগতে ;
 হ'য়ো না কখন সখা বিমুখ ইহাতে ।

প্রেমের অমিয় মাখা সুন্দরী ললনা,
 তেয়োগিয়া আত্মজন সর্বস্ব আপনা ;
 জীবন যৌবন ধন,
 কৈল তোমা সমর্পণ ;
 হইল সঙ্গিনী তব জনমের মত ।
 তুমিই ভরসা তার সহায় সম্পদ ।

তুমিও তেমতি সখা নিজ মন প্রাণ,
 করহ তাহারে ভাই পরিবর্তে দান ।
 চির-সহচর হয়ে,
 প্রেমভাষে সস্তাষিয়ে,
 সুখেতে কাটাও কাল জগত মাঝেতে ।
 প্রণয়দৃষ্টান্ত সবে দেখুক তোমাতে ।

ভবিষ্য ইঁহার সব অর্পিছে তোমায়,
 গুণবতী হইবেন তোমার শিক্ষায় ।
 যেমন শিখাবে তুমি,
 তেমনি শিখিবেন ইনি ;
 হইবেন সচ্চরিত্রা তোমার কৌশলে ।
 কে আর শিখাবে বল তুমি না শিখালে ?

মনোমত নারীসনে যে আছে সংসারে,
তার সম সুখী কেবা জগত মাঝারে ?

সাংসারিক সুখ যত,
নারী হতে সমুদ্ভূত ;
দরিদ্রতা হীনতায় যদি কষ্ট পায়,
তথাপি মনের সুখে কাল করে ক্ষয় ।

তাই বলি শুন সখা করি নিবেদন,
মনোমত করিবারে করহ যতন ।

সতত প্রণয়ভরে,
নত্ন মুষ্টি ব্যবহারে,
সযতনে শিখাইবে সংসার যাপনে ;
নচেৎ দাম্পত্য সুখ জানিবে কেমনে ?

অপূৰ্ণ মিলন ।

“ওহে বনবাসী ঋষি ধার্মিক সৃজন,”
কহিল জনেক যাত্রী করিয়া সস্তাষ ;
“দেখাও আমাদের পথ করিতে গমন,
যথায় আলোক ওই দিতেছে আশ্বাস

“শ্রান্ত ক্লান্ত জন আমি হয়ে পথহারা,
ক্ষীণ যত্ন পদক্ষেপে করিয়া গমন,
অরণ্যমাঝেতে ভ্রমি হইতেছি সারা ;
তথাপিও না ফুরায় এ বিজন বন ।

“ক্লান্ত হও বৎস” শ্বশি কহিল ডাকিয়া,—
“উহার মায়ায় ভুলে কোর না গমন ।
আলোক নহে রে উটী জ্বলিছে আলেয়া,
করিবারে সর্বনাশ তোমার সাধন !”

“সতত কুটীরে মম অব্যাহত দ্বার,
নিরাশ্রয় পথভ্রান্ত মানবের তরে ।
যদিও প্রচুর মম নাহিক আহার,
তথাপিও দিই আমি আনন্দ অন্তরে ।

“অতএব এস বৎস আজিকার তরে,
অতিথি হইয়া মম করহ গ্রহণ,
সামান্য যা কিছু মম আছে কুটীরে,
তৃণশয্যা মিতাহার আশীষ-বচন ।

“স্বাধীনেতে ভ্রমিতেছে যত জন্তুগণ,
তাহাদের হিংসা আমি করি না কখন ;
শিথিয়াছি তাঁহা হতে দয়া বিতরণ,
মম প্রতি সদা দয়া করেন যে জন ।

“তৃণযুক্ত পর্বতের উপত্যকা হতে,
ফলমূল ভূমিজাত নির্দোষ-ভোজন ;
প্রতিদিন আমি ভরিয়া থলিতে,
ঝরণার জলে করি তৃষ্ণা নিবারণ ।

•

অতএব চিন্তা বৎস করহ বর্জন,
পার্শ্বিক যতেক চিন্তা সব অমূলক ।
এ জগতে মনুষ্যের অম্প প্রয়োজন,
তাহাও মুহূর্ত্ত তরে হয় আবশ্যক ।

যেমতি শিশিরবিন্দু আকাশ হইতে
কোমল ভাবেতে পড়ে ধরার উপরে ;
সেইরূপ ঋষিবাক্য যাত্রির কর্ণেতে,
ঢালিয়া মধুরধারা আনিল কুটীরে ।

সুদূরে অরণ্য মাঝে অজানিত স্থানে
 নিভৃত কুটীর এই রয়েছে দাঁড়ায়ে ।
 প্রতিবেশী দীনহীন পথভ্রান্তজনে
 আশ্রয় পাইবে বলি তথায় আসিয়ে ।

কুটীরস্বামির মন করিতে চঞ্চল
 ছিল না তাহার মধ্যে কিছু মাত্র ধন ।
 মোচন করিয়া তার দ্বারের অর্গল
 ভিতরেতে প্রবেশ করিল দুই জন ।

জীবজন্তুগণ যবে নিদ্রিত হইল,
 রজনীর আগমনে বিশ্রামের তরে ।
 নিজ ক্ষুদ্র অগ্নি ঋষি তখন জ্বালিল,
 চিন্তাশীল অতিথির শুশ্রূষার তরে ।

উদ্ভিজ্জ আহার তার সম্মুখে রাখিয়ে,
 হাস্য আনন্দের সহ অনুরোধ করে ।
 জানিত বিবিধ গল্প বিবিধ বিষয়ে,
 সেই সব গল্প বলি কালক্ষয় করে ।

তাহাদের আমোদেতে আমোদিত হয়ে,
তাল ধরি ঝাঁঝ পোকা ঝাঁঝ রব করে ।
কাষ্ঠ আঁটিগুলি যেন আমোদে মাতিয়ে,
অধিক জ্বলিল সবে পট্ পট্ করে ।

কিন্তু হায় এ সকল যত সুখকর,
অতিথির চিন্ত তুষ্ট করিতে নারিল ।
উথলিল দুঃখ তার হৃদয়ভিতর,
অবশেষে অশ্রুজল পড়িতে লাগিল ।

•

ক্রমশঃ বর্দ্ধিত দুঃখ করিয়া দর্শন,
কহিলেক ঋষি তারে উৎকর্ষিত স্বরে ;—
“কহ রে অভাগা যুবা কিসের কারণ,
হয়েছে দুঃসহ দুঃখ তোমার অন্তরে ?

“হয়েছ কি দূরীভূত রম্য হর্ম্য হতে ?
নির্বাসিত হয়ে কি হে করিছ ভ্রমণ ?
প্রতিদান বন্ধু কি হে নাহি চায় দিতে ?
হয়েছ কি প্রণয়েতে হতাশে মগন ?

“সম্পত্তি ঐশ্বর্য্যধন যাহা কিছু আর,
তুচ্ছ এ সকল হয় অম্পকাল রয় ।
ইহাতে যে জন পুনঃ করে অহঙ্কার,
ইহাদের হতে তুচ্ছ সেই জন হয় ।

“বন্ধুত্ব কাহারে কয় নামমাত্র সার,
নিদ্রা আনিবার তরে সঙ্গীত সমান ।
অর্থ বশ আছে যার অনুগামী তার,
হতভাগ্যজনে ফিরি না করে দর্শন ।

“তদপেক্ষা ভালবাসা অকিঞ্চিৎকর,
নবীনা যুবতীদের বিদ্রূপ ছলনা !
দাম্পত্য প্রণয়ে মাত্র আছে যুযুদের,
তাহা ভিন্ন এ জগতে আর ত দেখি না ।

“লজ্জায় নির্বোধ যুবা ত্যজ তব ছঃখ,
পদাঘাত কর এবে স্ত্রীজাতি উপর ।”
এ কথা বলিবামাত্র আরক্তিম মুখ,
প্রকাশিল অভ্যাগত হইয়া কাতর ।

আশ্চর্যের সহ ঋষি করিল দর্শন,
রক্তিম সৌন্দর্য্য যাহা হইল উদয় ।
নবীন রবির কর প্রভাতে যেমন,
উজ্জ্বল অথচ তাহা ক্ষণকাল রয় !

পীনোন্নত পয়োধর লম্বিত বদন,
একে একে আশ্চর্য্যিত করিলেক অতি ।
ক্রমে অতিথিরে ঋষি করেন দর্শন,
সমস্ত সৌন্দর্য্য সহ রমণী যুরতী ।

“হতভাগী আমি ঋষি ক্ষম দেব মোরে,
কহিতে লাগিল। বামা কেলি দীর্ঘ শ্বাস ।
“অপবিত্র করিয়াছি প্রবেশি কুটীরে,
ঈশ্বর সহিত যথা কর তুমি বাস ।

“প্রণয়ে পাগল আমি অভাগী রমণী,
ভ্রমিতেছি সততই শান্তি অন্বেষণে ।
শান্তি কোথা পার মোর নিরাশা সঙ্গিনী,
আশ্রয় দাও গো মোরে তব শ্রীচরণে ।

“যমুনার তীরে মম আবাস পিতার,
জনক আমার ছিল অতি ধনবান ।
একমাত্র কন্যা আমি সন্ততি তাঁহার,
ভাবী অধিকারে মম সে সমস্ত ধন ।

“হইয়া আমার প্রার্থী কত শত জন,
আসিত সতত মোরে বিবাহ করিতে ।
যে সকল গুণ মোর নাহিক কখন,
তাহা বলি প্রশংসিত মোরে ভুলাইতে

“এইরূপ প্রতিক্ষেণে আসি কত জন,
বহুমূল্য উপহার দিত কত মোরে ।
তাহাদের মধ্যে ছিল সুরেন্দ্রমোহন,
বলেনি প্রণয়কথা বারেকের তরে ।

“মোটামুটি পরিচ্ছদে সজ্জিত যে জন,
ঐশ্বর্য্য প্রতাপ তার কিছু নাহি ছিল ।
জ্ঞান বুদ্ধি বিদ্যা তার সবে মাত্র ধন,
মম পক্ষে তাহাই যে সর্ব্বস্ব আছিল ।

“বসিয়া আমার পার্শ্বে উপত্যকা পরি,
 প্রণয়সংগীত যবে করিত সে জন ।
 প্রত্যেক ফুৎকার তার সৌগন্ধ বিস্তারি,
 করিত সুন্দর গান শ্রবণমোহন ।

“ফুটন্ত কুসুম কুল রবিকরে নব,
 পতিত শিশিরবিন্দু আকাশ হইতে ।
 যতই বিশুদ্ধ কেন হোক না এ সব,
 শুদ্ধতায় কেহ তারে পারে নি হারাতে ।

“কিন্তু হায় কি কহিব দূরদৃষ্ট মোর,
 তখন যাহা তঁার নারিনু বুঝিতে ।
 দিয়াছি তাচ্ছিল্য করি কত কষ্ট ঘোর,
 তাই ত এখন মোরে হতেছে কাঁদিতে ।

“তঁাহার প্রণয়ে সদা অগ্রাহ করিয়া,
 করিতাম সততই নিরাশ তঁাহারে ।
 এত কষ্ট মোর ভাগ্যে আছিল বলিয়া,
 নারিনু তখন আমি চিনিতে তঁাহারে ।

“আমার তাচ্ছিল্যে শেষ বিরক্ত হইয়া,
মম গর্ব সহ মোরে পরিত্যাগ করি ।
নিজ্জনে বিবাগী হয়ে যাইল চলিয়া,
গোপনে যথায় এবে গিয়াছেন মরি ।

“আমিই দুঃখের মূল মোর সর্ব দোষ,
নিজ প্রাণ দিয়া তার দিব প্রতিদান ।
আমিও খুঁজিব সেই নিভৃত আবাস,
শুইব যথায় নাথি আছেন শয়ান ।

“তথায় গোপনে সেই জনহীন স্থানে,
এ ছার জীবন মোর করিব সংহার ।
মরেছেন প্রাণেশ্বর আমার কারণে,
আমিও ত্যজিব প্রাণ নিমিত্ত তাঁহার ।

“না কর ঈশ্বর হেন” বলিয়া তখন,
লইলেক ঋষি তারে তুলি বক্ষোপরে ।
ক্রোধে ফিরি আগন্তুক করেন দর্শন,
সুরেন্দ্রমোহন তারে আলিঙ্গন করে ।

কহিলেক ঋষিবেশী সুরেন্দ্র তাহারে,
 “ফের বিনোদিনী এবে করহ দর্শন ।
 “হতভাগ্য সুরেন্দ্র যে বহুকাল পরে,
 পুনঃ প্রাপ্ত হল তার অমূল্য রতন ।

“ওরে রে হৃদয়ধন বাঞ্ছিত রতন,
 এইরূপে বক্ষোপরে রাখিব তোমারে ।
 অবিরত চিন্তা সব করিব বর্জন,
 এ জীবনে আর প্রিয়ে ছাড়িব না তোরে ।

“বিভিন্ন হব না দোঁহে আজ হতে আর,
 পবিত্র প্রণয়ে দোঁহে বদ্ধ হয়ে রব !
 দুঃখ সুখ যাহা কিছু হইবে তোমার,
 আমিও তাহার প্রিয়ে অংশভাগী হব ।

কোন বন্ধুর পুত্রের জন্মোপলক্ষে

নবপুত্র লাভ তব শুনিয়া শ্রবণে,
 কত সুখী হইনুঁ যে কি লিখিব আর ।

লেখনী অক্ষয় আজি সে সুখ বর্ণনে,
হৃদয় উন্মত্ত এবে সুখে মাতোয়ার ।

এত দিন ছিলে তুমি নিশ্চিত্ত সংসারে,
তরুণের যথা ফলহীন লতাসনে ।
সুখে মত্ত হয়ে সদা থাকে প্রেমভরে,
জড়ীভূত লতাপাশে প্রেম আলিঙ্গনে ।

কিন্তু যবে হয় তার সৌভাগ্য উদয়,
কালবশে ক্রমে তাহে মুকুল সঞ্চারে ।
ক্রমে ক্রমে পুষ্পরূপে পরিণত হয়,
অবশেষে নত্মুখী হয় ফলভরে ।

সেইরূপ আজি তব লতিকা সোণার,
প্রণয়ের মোক্ষফলে হল ফলবান ।
প্রেমের অমিয় ফল স্নেহের আকর,
ভূমিষ্ঠ হইল তব নবীন নন্দন ।

বিধিগুণে আজি তুমি পাইলে এ ধন,
স্বর্গীয় এ মহাদান তুল্য কিছু নাই ।

এর সম আদরের নাহি কোন ধন,
যদি সর্ব প্রিয় বস্তু করি এক ঠাই ।

সুবর্ণালঙ্কার মাঝে হীরক স্থাপনে,
অতিশয় সুশোভন দেখিবারে হয় ।
সেরূপ দাম্পত্য সুখ বৃদ্ধি পায় ক্রমে,
প্রণয়-বৃক্ষেতে ফল হইলে উদয় ।

সেই সুখ এবে সখা তোমা দৌহাকার,
ক্রমে ক্রমে বাড়িবার হৈল আরম্ভন ।
কোলে করে লয়ে যবে প্রেমসী তোমার,
দিবে হে তোমার অঙ্কে তোমার নন্দন ।

তখন হৃদয়ে রাখি হৃদয়নন্দন,
বলিবে হে এ সংসার বড় সুখময় ।
তখন না কবে আর অসার জীবন,
তখন না হবে হৃদে বৈরাগ্য উদয় ।

এবে মম শেষ কথা বলি কায়মনে,
যাঁহার কৃপায় তুমি পাইলে কুমারে ।

অক্ষয় নীরোগে সুখে সুদীর্ঘ জীবনে,
রাখুন নিয়ত তিনি তোমা সবাঁকারে ।

আর এক কথা বলি জোরের উপর,
আনন্দের হেতু ভাই আনন্দ ঘটনে ।
কবে বল হইবেক আমা সবাঁকার,
মহোল্লাস সমারোহ অরণ্য ভোজনে ।

নিরাশ প্রণয় ।

কেন বল মন তাহারি কারণ,
দিবানিশি কেন হও উচাটন ।
সকলেরি ছাড়ি তাহার কারণ,
কেন ওরে মন হও উদাসি ।

ভাবনা কি মন ক্ষণেকের তরে,
কেউ কারু নয় জগত মাঝারে ।
সকলেই পর অনিত্য সংসারে,
তবে কেন ভাব বিরলে বসি

সেই চাঁদ মুখ সুন্দর নয়ন,
সরলতা মাথা সুমিষ্ট বচন ।
দয়া ভরা যেন দেহের গঠন.

উচাটিত হও যাহারে স্মরি

কেন ওরে মন বসি দিবানিশি,
ভাব তার সেই সুধামাথা হাসি ।
ইচ্ছা হয় কেন বিজনেতে পশি,
সেই প্রেমমূর্তি হৃদয়ে ধরি ।

কেন ওরে মন তাহারি কারণ,
তেয়োগিয়া এই সংসারের ধন ।
পিতামাতা ভ্রাতা আত্মীয় স্বজন,
ভাবিছ কেবল সে চাঁদমুখ ।

ধীরে ধীরে মন উত্তর করিল,
হৃদয়ের কেন্দ্র কাঁপিয়া উঠিল ।
কত দুঃখে আহা বলিতে লাগিল,
তারে ভেবে কেন পাই রে সুখ

ভেবেছিছু তারে হবেরে আপন,
 সঁপেছিছু তাই এ পরাণ মন ।
 দিয়াছিছু পেতে হৃদয় আসন,
 বসিতে তাহারে কত যতনে ।

কে জানিত আগে হবেরে এমন,
 অকালেতে কাল করিবে হরণ ।
 তা হলে কি কভু হৃদয় আসন,
 দিতাম তাহারে অত যতনে ।

ভেবেছিছু আগে পবিত্র হৃদয়ে,
 বদ্ধ হব দৌহে পবিত্র প্রণয়ে ।
 পরম সুখেতে থাকিব উভয়ে,
 বাঁধিয়া হৃদয়ে প্রেমের ফাঁস

হায় বিধি তুমি এই কি ঘটালে,
 এত কষ্ট তুমি লিখেছিলে ভালে ।
 এতই যন্ত্রণা আছিল কপালে,
 আজন্ম কাঁদিব হয়ে নিরাশ ।

অবশ্য কাঁদিব কাঁদিব কেবল,
দিবা নিশি ফেলি শোক অশ্রু জল ।
ধুইব প্রাণের সে নিভৃত স্থল,
যথায় প্রেয়সী আছে রে বসি ।

ভাবিব কেবল সে চাঁদ বদন,
ভাবিব কেবল সে যুগনয়ন ।
অন্তরে দেখিব মোহন গঠন,
ভাবিব কেবল সে সুখা হাসি ।

সে মোহন মূর্তি আর কি নয়ন,
কাল কাল আহা চিকুর চিকণ ।
গাল ঢেকে বুকে পড়িবে যখন,
তখন কি আর দেখিতে পাব ?

আর কি কখন সেই মত করে,
সেই শশীমুখ রাখি উরুপরে ।
স্নকোমল হাত হাতে করে ধরে,
আর কি কখন দেখিতে পাব ?

পাব না দেখিতে ? অবশ্য পাইব,
 যখন হৃদের কপাট খুলিব ।
 তখনি অমনি তথায় হেরিব,
 সে মোহন মূর্তি হৃদয়পরে ।

সেই প্রেমমূর্তি করিয়া ধারণ,
 হৃদয়-দর্পণে কাটাব জীবন ।
 কভু নাহি দিব হতে অদর্শন,
 আকুল পরীণ যাহার তরে ।

পতিহীনা নারীর বিলাপ ।

সাধিল বিধাতা বাদ, যত মম সুখ সাধ,
 জীবনের যত হয়, গিয়াছে ফুরায়ে রে ।
 এ জগত মাঝে আর, নাহিক কেহ আমার,
 আপনার ছিল যেবা, সে ত আর নাই রে ।

পবিত্র প্রণয় ডোরে, রেখেছিল বেঁধে তারে,
 তথাপিও ছিঁড়ে তাহা, গেছে পলাইয়া রে ।
 আদরের আদরিণী, ছিন্ন হয়ে সোহাগিনী,
 যাহার প্রণয় ভরে, এবে সে কোথায় রে ।
 কত যে আদর করে, রেখেছিল সে আমারে,
 স্মরিলে সে সব হয়, বুক ফেটে যায় রে ।
 ছিন্ন সম রাজরাণী, করি মোরে কাঙ্ক্ষালিনী,
 কেমনে এখন হয়, যাইল চলিয়া রে ।
 এখনো পড়িছে মনে, কলেছিল কত দিনে,
 তোমারে কখন প্রিয়ে, নাহিক ছাড়িব রে ।
 কেমনে সে সব ভুলি, যাইল এখন চলি,
 তেয়োগি আমারে হয়, জনমের মত রে ।
 হেরিলে যাহার মুখ, দুঃখেতে হইত সুখ,
 সে বিধুবদন আর, না পাব দেখিতে রে ।
 হেরিলে শুষ্ক বদন, সততই যেই জন,
 পাইত যাতনা কত, আমার নিমিত্ত রে ।
 এখন সে জন হয়, কেঁদে বুক ফেটে যায়,
 তিলেকের তরে তবু, দেখা নাহি দেয় রে ।
 ওই যে কুসুমগুলি, অলি সহ করে কেলি,
 কত সুখে এক দিন, করেছি চয়ন রে ।

গাঁথিয়া তাহা মালায়, পরায়ে স্বামি গলায়,
 এক কালে কত সুখে, ভেসেছি দুজনে-রে ।
 এবে সেই ফুলকুল, হেরিয়া হই আকুল,
 শোকানল কেন পুনঃ, অধিক জ্বলিল রে ।
 ওই যে রক্ষের ডালে, কালো পাখি কুহু বলে,
 এককালে কত সাধ, ছিল শুনিবারে রে ।
 এখন সে রব শুনে, কেন জ্বলে মরি প্রাণে,
 কেন বা শোকের স্রোত, হৃদি মাঝে বয় রে ।
 এই যে পূর্ণিমা নিশি, শোভিছে গগনে শশী,
 বিমল জোছনা তার, চৌদিকে ছড়ায় রে ।
 এই সুধাংশুর করে, বসিয়া সোহাগভরে,
 এক দিন কত সুখে, ছিলাম দুজনে রে ।
 এখন ইহারে হেরে, প্রাণেশের মনে করে,
 অশ্রুর জলেতে হয়, বক্ষঃস্থল ভাসে রে ।
 এখনো জাগিছে মনে কত প্রেমসস্তাষণে,
 তুষিত প্রাণেশ মোরে, সহাস্য বদনে রে ।
 এখন সে সব হয়, স্বপ্নপ্রায় বোধ হয়,
 এ জন্মের মত সব, গিয়াছে ফুরায় রে ।
 কত সুখে দুই জনে, ছিলাম আনন্দ মনে,
 কপোত কপোতী যেন, দৌঁছে একপ্রাণ রে

ভাবিতাম মনে মনে, এইরূপে চির দিনে,
 সুখেতে জীবন মোর, যাইবে কাটিয়া রে ।
 ভাবিনি মুহূর্ত্ত তরে, হইতে হইবে মোরে
 অনাথিনী কাল্জালিনী, পুনঃ এ সংসারে রে ।
 কিন্তু গো মোদের সুখে, বিষম বাজিল বুকে,
 নিদয় বিধাতা তায়, ঈর্ষ্যান্বিত হয়ে রে ।
 কালের করালধারে, ছেদিয়া প্রণয়ডোরে,
 হরিল প্রাণেশে মম, হৃদয় হইতে রে ।
 ওরে নিদারুণ বিধি, কি দোষে হইলি বাদী,
 সাধিলি বিষম বাদ, কোন্ অপরাধে রে ।
 রমণীসর্বস্ব ধন, দিয়া পতি বিসর্জন,
 কি হেতু এখনো আমি, রয়েছি জীবিত রে ।
 নারীর গৌরব যাহা, একমাত্র পতি তাহা,
 হেন পতি শূন্য হয়ে, কি সুখ বাঁচিয়া রে ।
 এজন্মের আশা যত, সকলি হয়েছে হত,
 তথাপিও কেন প্রাণ, এখনো না যায় রে ।
 যত কিছু দুঃখ আর, আছে গো বিধি তোমার,
 দিও গো সে সব তাহে, তত ক্ষতি নাই রে ।
 কিন্তু গো কখন যেন, নাহি হয় কোন জন,
 পতিহীনা একমাত্র, এই ভিক্ষা চাই রে ।

জুবিলি ।

কি কারণে আজ বঙ্গবাসীগণ,
সুখের সাগরে হইয়া মগন ।
মন প্রাণ খুলি করিতেছে গান,
সপ্তমে তুলিয়া সুখের তান ।

সমগ্র ভারত কিসের লাগিয়ে,
জয়ধ্বনি করে অশ্বর কাঁপায়ে ।
একত্রে সকলে আমোদে মাতিয়ে,
চলিতেছে সবে বিহ্বল হয়ে ।

কি কারণে আজ নগরে নগরে,
পথে ঘাটে মাঠে প্রত্যেক ছুয়ারে
আলোক-মালায় নব শোভা ধরে,
হুঃখিনী ভারত যেন হাস্য করে ।

কি কারণে আজ হিন্দু-মুসলমান,
ইহুদী পারশী ব্রাহ্ম খৃষ্টিয়ান ।
সকলে মিলিয়া হয়ে একপ্রাণ,
আনন্দসাগরে তুলিছে তুফান ।

কি কারণে আজ বঙ্গবাসীগণ,
মুক্তহস্তে ক্ষয় করিতেছে ধন ।
বালবৃদ্ধস্ববা সবে কি কারণ,
মহা সমারোহে আনন্দিত মন ।

অভাগী ভারত চির অনাথিনী,
চির পরাধীনা আজন্মদুঃখিনী ।
তাহা হতে আজি ঘোর জয়ধ্বনি,
কি কারণে বল পুনঃ পুনঃ শুনি ।

চারিদিকে শুনি জুবিলি জুবিলি,
যে দিকে নেহারি সে দিকেই খালি ।
জ্বলন্ত অক্ষরে লেখা যে জুবিলি,
জুবিলি ব্যতীত নাহি অশ্রু বুলি ।

মহারাণী কুইন ভিক্টোরিয়ার,
 রাজত্ব হইল পঞ্চাশ বৎসর ।
 তাই আজ সবে ভারত মাঝার,
 আনন্দমাগরে দিতেছে সঁতার ।

সেই হেতু আজ প্রতি ঘরে ঘরে,
 দীপাবলি তেজে নব শোভা ধরে
 সেই হেতু আজ আমোদের তরে,
 অকাতরে সবে অর্থব্যয় করে ।

তাই আজ যত নব্য যুবাগণ,
 খাতা লয়ে চাঁদা করিছে গ্রহণ ।
 রাণীর রাজত্ব করিতে স্মরণ,
 নানা কীর্তি কত হতেছে স্থাপন ।

তাই আজ যত ইংরাজসৈনিক,
 রণ-নিপুণতা জানাতে অধিক ।
 গড়ের মাঠেতে ফিরিছে চৌদিক,
 অস্ত্রে শস্ত্রে বেশ করিয়া বাহিক ।

তাই আজ বহুবিধ অগ্নিবাজি,
আকাশেতে উঠে নানাবর্ণে সাজি ।
তাই আজ কত শত যান বাজী,
চলিছে পথেতে সারবন্দি সাজি ।

তাই আজ কত বঙ্গবাসীগণ,
মহারাগী জয় করি উচ্চারণ ।
মৃদঙ্গ লইয়া করিয়া কীর্তন,
পথে পথে তারা করিছে ভ্রমণ ।

.

যাঁর তরে আজ বঙ্গবাসীগণ,
এত কাণ্ড করে দিয়া প্রাণ মন ।
পরিবর্তে তিনি কিবা করিলেন,
আমোদের তরে তাদের দান ।

জন কত লোক পেলে ভস্ম ছাই,
রায় বাহাদুর কে সি এস আই ।
বাদবাকী আর যতেক সবাই,
যেমত আছিল রহিল তাহাই ।

হিন্দুকুলবালার আক্ষেপ ।

—*—

কেন বিধি নারী মোরে কৈল হিন্দুকুলে,
না জানি কি মহাপাপভরে ।
এ হেন দুর্দশা মোর লিখেছিলে ভালে,
চিরবন্ধ রব কারাগারে ।
যাবৎ রব বাঁচিয়ে,
পরের অধীন হয়ে,
পরের সেবায় রব রত ।
সহিব পরের কাছে অত্যাচার কত ।

বিবাহ দিবেন পিতামাতা যার সাথে,
তাহারেই হইবেক মোরে
জীবন যৌবন ধন সর্বস্ব অর্পিতে,
বিন্দুমাত্র না জেনেও তারে ।

ইহ জনমের তরে,
করিতে হইবে মোরে,
সদা তার তুষ্টি সম্পাদন ।
হোক বা না হোক মনোমত সেই জন ।

বিভিন্ন হইয়া পিতৃমাতৃস্থান হতে.
হবে মোরে করিতে গমন
অজানিত কোন এক পুরুষের সাথে,
আত্মজনে করিয়া বর্জ্জন ।
বয়স বছর নয়,
প্রণয় কাহারে কয়,
বিন্দুমাত্র জানি না যখন,
প্রণয়িনী হয়ে তবে হবে দিতে মন

বালিকাকালেতে গিয়া শ্বশুরভবনে,
না পারিব কহিতে বচন ।
এমন কি পুরাতন দাসদাসীসমে,
রব মুখে দিয়া আবরণ ।

দিবানিশি খাটিব,
 স্বামির দেখা না পাব,
 নাহি হলে অনুগ্রহ তাঁর
 ক্ষমতা নাহিক পতিনাম ধরিবার

অহরহঃ গৃহমধ্যে আবদ্ধ রহিব ।
 প্রকৃতির সৌন্দর্য্য কেমন,
 দেখিবারে কখনও নাহিক পাইব,
 অন্ধকারে কাটাব জীবন ।
 যদি বা ক্ষণেক তরে;
 দাঁড়াই জানালাধারে,
 নিরদয় পুরজনগণ,
 আরক্ত লোচন করি করয়ে তাড়ন

শাশুড়ীনন্দ কাছে গঞ্জনা খাইব,
 যে যা বলে শুনিব সকল ।
 অন্তরের দুঃখ মম অন্তরে সুহিব,
 বিরলেতে ফেলি অশ্রুজল ।

করিবারে দরশন,
 পিতামাতা আত্মজন,
 না পারিব নিজ ইচ্ছামতে ।
 স্বাধীনেতে কোন কার্য না পাব করিতে ।

বিধবা যত্বেপি হই অদৃষ্টের ফেরে,
 সর্বসাধ মিটিবে তখন ।
 সাধের জীবন মোর এ জন্মের তরে,
 দুঃখানলে হইবে দহন ।
 ধরি যুগযুগান্তর,
 কত শত যোগীবর,
 যে ইন্দ্রিয় না পারে শাসিতে ।
 তৎক্ষণাৎ মোরে তাহা হবে সংযমীতে

নিজ স্বার্থ সুখ হেতু পুরুষ নির্দয়,
 পুনরায় বিবাহ করিছে ।
 ধর্মের প্রসঙ্গ তুলি রমণী বেলায়,
 অবলায় পরাগে বধিছে ।

নিজে পুনঃ বিভা করে,
 রমণী করিলে পরে,
 হিন্দুধর্ম্মে স্থান নাহি মিলে ।
 কেন বিধি নারী মোরে কৈল হিন্দুকুলে

বিবাহ ।

একি ঘোর দায়, বঙ্গদেশে হয়,
 নূতন আপদ হেরি ।
 লয়ে পুত্রকন্যা, বিবাহ-ছলনা,
 গোলযোগ হয় ভান্নি ।
 পুত্রকন্যা দোহে, সমান উভয়ে,
 সর্ব্বমতে হেন কয় ।
 কিন্তু কার্য্যকালে, বিপরীত ফলে,
 এ অন্তায় কেন হয় ।
 যখন জননী, প্রসবে নন্দিনী,
 ছুঃখা পিতামাতা তায় ।
 আত্মীয় স্বজন, সবে ক্ষুণ্ণমন,
 যেন হল কত দায় ।

কিন্তু ভাগ্যবলে, পুত্র জনমিলে,
আনন্দিত সর্বজন ।

আনন্দের ভরে, সুখের সাগরে,
যেন করে সন্তরণ ।

দিন দিন যত, বড় হয় স্মৃত,
তত হৃদে সুখী হয় ।

কত আশা করে, কত ভাঞ্জে গড়ে,
ক্রমে লোভ বৃদ্ধি পায় ।

যদি পুত্র তায়, পাশ করা হয়,
সোণায় সোহাগা ধরে ।

তা হলে ত আর, কথা নাহি তার,
বুঝি ঐ অদৃষ্ট ফিরে ।

মানা ঘটকেতে, নানা দিক হতে,
নানান সম্বন্ধ করে ।

ক্রমে উচ্চতরে, নিলামের দরে,
বর মূল্য সবে করে ।

ইইয়া গস্তীর, করিছেন স্থির,
বরকর্তা একমনা ।

না ছাড়িব ছেলে, যতক্ষণ না মিলে,
পরমা সুন্দরী কন্যা ।

সর্ব্বাঙ্গে তাহার, গহনা সোণার,
নিখুঁত সকলি চাই ।

সাতনরি হালা, জড়োয়ার বালি,
যা কিছু সমস্ত চাই ।

তাহার উপর, নিতে হবে আর,
নগদ দশ হাজার ।

কোন কোন জন, করিছে মনন,
নাহিক বাড়ি আমার ।

করিবারে বাড়ি, নাহি টাকা কড়ি,
পুল্ল বিভা দিয়া লই ।

কেহ বা ভাবিছে, কেন মরি মিছে,
সুন্দরী বধুর তরে ।

অর্থ পাই ভাল, হোক মেয়ে কাল,
যা হবার হবে পরে ।

কিন্তু কন্যা যার, নিদ্রাহার তার,
বুঝি বা সকলি গেছে ।

কন্যাশ্রুস্ত দার, উদ্ধার উপার,
নিয়তই সে ভাবিছে ।

ক্রমে ক্রমে যত, দিন হয় গত,
কন্যা বয়ঃপ্রাপ্ত হয় ।

পিতা মাতা তত, ভাবে অবিরত,
বিবাহ কিরূপে হয় ।

উত্তীর্ণ দ্বাদশ, মান কুল যশ,
বুঝি বা সকলি যায় ।

বিবাহ না হয়, সতত চিন্তায়,
পাত্র কোথা পা'য়া যায় ।

ধনি লোক যারা, বহু অর্থ দ্বারা,
করিল কন্যা অর্পণ ।

দিয়া বহু ধন, দুহিতা রতন,
মুখে কৈল সমর্পণ ।

গৃহস্থ যে জন; দেয় ভদ্রাসন,
বন্ধক অর্থের তরে ।

তবু তাহে হয়, কুলান না পায়,
কাল কন্যাগ্রস্ত ভারে ।

দরিদ্র যে জন, যাহা কিছু ধন,
সর্বস্ব বিক্রয় কৈল ।

অবশেষে তার, অন্ন মেলা ভার,
ভিক্ষারূপি আচরিল ।

কোন কোন জন, করিছে শোধন,
বিবাহ দিয়া পুত্রের

ইয়ং বেঙ্গল ।

— ০ * ০ —

বাঙ্গালির রীতি নীতি সব বুঝি গেল রে,
অদ্ভুত আচারে বঙ্গ পরিপূর্ণ হল রে ।

যত নব্য যুবাগণ,
চলিছে সদর্প মন,
নবীন সভ্যতালোকে জ্ঞান দৃষ্টি পেয়ে রে ।

চাদর ধুতির প্রথা প্রায় উঠে গেছে রে,
কলিওলা পিরিহান কেহ নাহি পরে রে ।

এবেকার সভ্য যত,
করে বেশ অন্য যত,
গলে কুলো বাঁধা সার্ট চলিত এখন রে ।

পেণ্টু লেন পরি আজ যত বঙ্গবাসী রে,
সোজা হয়ে থাকে যেন চাড়া দেয়া আছে রে ।

তাহার উপর পুনঃ,
করে কোট পরিধান,
সন্মুখের আদখানা বুঝি তার নাই রে ।

মানস-কুসুম ।

টুকরা টুকরা যত ছেঁড়াখোঁড়া কানি রে,
জোড়া তাড়া দিয়া তাহা গলাতে লাগায় রে
অদ্ভুত সাজিয়া সুখে,
সাম্নিক চুরুট মুখে,
মড়াপোড়া গন্ধ তার চারি দিকে ধায় রে ।

সেকেলে পাছুকা সব নাহিক এখন রে,
সে সকল জুতা এবে ঘণার ভাজন রে ।
ইংরাজী ডমন বুট,
পরিয়া করিয়া ছট,
চলিছে ভারত বক্ষ বিদীর্ণ করিয়া রে ।

সমাদর অভ্যর্থনা নমস্কার আদি রে,
সকলি করেছে লোপ এক সেকুছাণ্ড রে
আদপ কায়দা শুদ্ধ,
বিদেশী আচারে বদ্ধ,
এ অপেক্ষা কত আর উচ্ছন্ন যাইবে রে ।

স্ব জাতীয় নাম সব করিয়া বদল রে,
বিজাতীয় ধরণেতে করিবারে চায় রে ।
বাবু নহে মনোমত,
মিস্টার লিখিবে যত,
ততই তাদের প্রাণ পুলকে ভাসিবে রে

দেশীয় সূস্বাদু খাদ্য পরিত্যাগ করি রে,
ইংরাজী খানার তরে সততই ব্যগ্র রে ।
শুকর গরু খাইয়া,
উদর পূর্ণ করিয়া,
যেন তার কত কাল পরমায়ু বাড়ে রে ।

গ্রীষ্মের উত্তাপে দেহ করিতে শীতল রে,
আমানি এখন আর কেহ নাহি খায় রে ।
লিমন বরফ সোডা,
খাইয়া হইছে ঠাণ্ডা,
কাচের বাসন ভিন্ন রুচি নাহি হয় রে ।

দেশীয় সংগীত আর ভাল নাহি লাগে রে,
 তানপুরা সেতারে মন নাহি আর মাতে রে
 যতেক যুবক পাল,
 করে কনসার্ট দল,
 হারমোনিয়া ফ্লুটের ছড়াছড়ি এবে রে ।

মহাভারত রামায়ণ ভাগবত আদি রে,
 এ সকল পাঠ গান অন্ত প্রায় এবে রে
 এখন যতেক লোকে,
 থিয়েটারে গিয়া সুখে,
 ব্রহ্মা বিষ্ণু মহেশ্বর সব তথা পায় রে

চল্লিশ হইলে পার চাল্‌মে ধরিলে রে,
 কোন কোন লোক আগে চসমা লইত রে
 বিজ্ঞান আলোক তেজে,
 যতেক যুবা সমাজে,
 দিন দিন চক্ষুতেজ ক্রমশঃ কমিছে রে ।

এখন যতেক সব যুবকের দল রে,
 আইগ্লাস চসমায় মুখ করিছে শোভিত রে ।
 এদিকে ওদিকে চায়,
 চৌদিকে মুখ ঘুরায়,
 অন্তরালে থাকি কপি যেন উঁকি মারে রে ।

চিঠিপত্র আদি করে যাহা কিছু আছে রে,
 জাতীয় ভাষায় আর কেহ নাহি লেখে রে ।
 এখন যতেক লোকে,
 ইংরাজীতে পত্র লেখে,
 মৌখিক কথায় তার গোটাকত মিশে রে ।

হিন্দুধর্ম বড় গোল বড় বাঁধাবাঁধি রে,
 এড়াইয়া এ সকল জঞ্জাল হইতে রে ।
 নর নারী এক হয়ে,
 সচ্ছন্দে সভায় গিয়ে,
 অপাদ্ধে নেহারি করে ঈশ্বরে ভজন রে

দুই পাতা ইংরাজী শিক্ষা না হইতে রে,
 বাপ মার বাক্স ভাঙ্গি বিলাত পালায় রে
 দিনকত থাকি সেথা,
 শিখিয়া ইংরাজী কেতা,
 আইলেন দেশে ফিরি সভ্যতম হয়ে রে ।

মঙ্গল যদ্যপি কিছু করিবারে পারে রে,
 যাউক বিলাতে তায় তত ক্ষতি নাই রে
 কিন্তু হয় দেশে এসে,
 জাতি কুল সব নাশে,
 বিকৃত বদল তার দেখিবারে পাই রে ।

পিতা মাতা আত্মজন সকলে তেয়োগি রে,
 একেবারে পুরোপুরি সাহেব হয়েন রে ।
 যাহাতে তাঁরে সকলে,
 বাঙ্গালি নাহিক বলে,
 বাঙ্গালি তাঁহার কাছে ঘণার পদার্থ রে ।

না জানি কি মায়া জাল বিলাতেতে আছে রে,
অম্প দিন তরে লোক যাইয়া তথায় রে ।

পিতা মাতা জন্মস্থান,
মাতৃভাষা ধর্মজ্ঞান,
সকলি ভুলিয়া হয় তার সেবা রত রে ।

মাতাল ।

আরক্ত নয়ন, বিকৃত বদন,
কেবা ঐ জন,* ভ্রমণ করে ।
পাগলের বেশ, আলুথালু কেশ,
হতে কটিদেশ, বসন সরে ।
কোঁচাটি তাহার, ধূলায় ধুসর,
এক খোঁট তার, কাছাটি গৌজা ।
কখন বঁকিছে, কখন হেলিছে,
কখন চলিছে, হইয়া সোজা ।
দুই পা চলিছে, হোঁছট লাগিছে,
আছাড় খাইছে, পথের ধারে ।

আবার উঠিছে,	আবার চলিছে,
কত কি বলিছে,	প্রলাপ ভরে ।
কাদা মাখা গায়,	মরি মরি হায়,
ক্ষত অঙ্গে বয়,	রুধির ধারা ।
মান অপমান,	হ্রস্ব দীর্ঘ জ্ঞান,
কাল দণ্ড স্থান,	সকলি হারা ।
দেখ দেখ হায়,	জ্ঞানশূন্য প্রায়,
এক মনে ধায়,	খানার ধারে ।
টলিল চরণ,	হইল পতন,
পক্ষে নিমগন,	হল এবারে ।
গোঁগোঁ রব করে,	উঠিবারে নারে,
গুমুরে গুমুরে,	বদন গুঁজে ।
উঠিতে তাহার,	নাহি শক্তি আর,
নাক মুখ তার,	পাঁকেতে বুজে ।
যত চেষ্টা করে,	তত ডুবে মরে,
শক্তি উঠিবারে,	নাহিক হল ।
কিছুক্ষণ রয়ে,	পক্ষেতে ডুবিয়ে,
শ্বাস রুদ্ধ হয়ে,	মরিয়া গেল ।
আহা এই জন,	করি মদ্যপান,
বিপাকে জীবন,	করিল নাশ ।

তথাপিও হয়, কত লোক খায়,
 কালকূট প্রায়, এ হেন বিষ ।
 আত্মাণে যাহার, দুর্গন্ধ বিষ্ঠার,
 পানেতে যাহার, চৈতন্যহার ।
 পানে যার সুখ, জ্বলে যায় বুক,
 তাহা হতে সুখ, কি পায় তারা ।
 এই মন্ত তরে, প্রতি ঘরে ঘরে,
 সদা অশ্রুণীরে, ভাসিছে কত ।
 এই সুরাপানে, কত শত জনে,
 অকালে জীবনে, হতেছে হত ।
 এই সুরাবলে, বিষময় ফলে,
 ক্রমে রসাতলে, যেতেছে সবে ।
 তথাপিও হয়, দেখে না দেখয়,
 হয়ে অন্ধপ্রায়, ইহারে সেবে ।

মদের মাহাত্ম্য

এক দিন দ্বিপ্রহরে নিদাঘ সময়ে,
ধার্মিক ব্রাহ্মণ কোন পথিক সৃজন ।
প্রখর সূর্যের করে দন্ধপ্রায় হয়ে,
পিপাসায় শুষ্কতালু কণ্ঠাগত প্রাণ ।

এ হেন দশায় পড়ি প্রান্তর মাঝারে,
জল অন্বেষণ হেতু চারি দিকে চায় ।
হেনকালে অকস্মাৎ সম্মুখে অদূরে,
সুন্দর উদ্যান এক অনুভব হয় ।

নিকটেতে গিয়া তার পায় দেখিবারে,
নয়নমোহন এক সুন্দর কানন ।
সুশীতল জলাশয় রয়েছে মাঝারে,
শোভিত চৌদিকে নানাবিধ বৃক্ষগণ ।

হেরিয়া এ সব তবে সন্তুষ্ট হইয়া,
উজ্জানমধ্যেতে যেই প্রবেশ করিল ।
হেনকালে কোন এক প্রহরী আসিয়া,
রোধিয়া তাহার পথ জিজ্ঞাসা করিল ।

কহ তুমি কোন্ জন কিবা প্রয়োজন,
কি কারণে করিতেছ উজ্জানে গমন ।
এত শুনি কহিলেক পথিক তখন,
তুষাতুর আমি এক পথিক ব্রাহ্মণ ।

প্রচণ্ড সূর্যের করে প্রান্তর মাঝারে,
ভ্রমিয়া তুষায় মোর আকুল পরাণ ;
এসেছি হেথায় জল অন্বেষণ তরে,
ছাড়ি দেহ পথ মোরে করি জলপান ।

কহিল পথিকে তবে প্রহরী তখন,
ছাড়ি দিব পথ তোমা জলপান তরে ।
যা কিছু কহিব আমি করিব পালন,
যদি বদ্ধ হও তুমি এই অঙ্গীকারে ।

কোন আঞ্জা হবে মোরে করিতে পালন,
 কহিল পথিক তবে বল শীঘ্র করি ।
 পিপাসায় ফাটে বুক বাহিরায় প্রাণ,
 করিবারে কালক্ষয় আর ত না পারি ।

কহিল প্রহরী তবে শুন দিয়া মন,
 চারি ঘাট পুষ্কর্ণীর আছে চারি ধারে ।
 দেখিবে প্রত্যেক ঘাটে আছে কোন জন,
 যে ঘাটে যাইবে তুমি জলপান তরে ।

প্রথমে যে ঘাটে তুমি করিবে গমন,
 সেই ঘাটবাসী তোমা যা কিছু বলিবে ।
 অগ্রে তাহা পালি যদি কর তথা পান,
 তবে আর অন্য ঘাটে নাহিক যাইবে ।

তার বাক্যে যদি তব নাহি লয় মন,
 তবে অন্য ঘাটে তুমি পারহ যাইতে ।
 আঞ্জা পালি এক ঘাটে করি জলপান,
 অন্য ঘাটে আর কিন্তু না পাবে যাইতে ।

শুনিয়া এ সব কথা তথাস্ত বলিয়া,
উদ্ধানে ব্রাহ্মণ তবে প্রবেশ করিল ।
ক্রমশঃ প্রথম ঘাটে উপস্থিত হৈয়া,
নবীন যুবক এক দেখিতে পাইল ।

হেরিয়া পথিকে যুবা কহিল তখন,
কে তুমি হেথায় তব কিবা প্রয়োজন ।
কহিল পথিক আমি তৃষ্ণার্ত ব্রাহ্মণ,
জলপান হেতু হেথা মম আগমন ।

মদিরা বোতল এক রাখি সম্মুখেতে,
কহিল যুবক অগ্রে কর ইহা পান ।
যত্বপি এ ঘাটে তুমি চাও জল খেতে,
নচেৎ স্বস্থানে ভাই করহ প্রস্থান ।

শুনিয়া ব্রাহ্মণ তবে বলি রাম রাম,
কহিলেক নরাদম কি বলিলি মোরে ।
তৃষ্ণার্ত ব্রাহ্মণ আমি জল মাগিলাম,
কহিলি আমারে তুই মদ খাইবারে ।

এত বলি ক্রোধভরে সে ঘাট ত্যজিয়া,
 অন্য ঘাট উদ্দেশেতে করিল গমন ।
 দেখিল দ্বিতীয় ঘাটে উত্তীর্ণ হইয়া,
 করিছে যবন এক গোমাৎস রন্ধন ।

কহিল ডাকিয়া দ্বিজ শুন হে যবন,
 ঘোর পিপাসায় মোর ব্যাকুল পরাণ ।
 জল অন্বেষণে মম হেথা আগমন,
 দেহ অনুমতি মোরে করি জলপান ।

শুনি তার কথা হাসি কহিল যবন,
 এ ঘাটে যত্নপি জল করিবে হে পান ।
 তবে অথৈ কর কিছু গোমাৎস ভক্ষণ,
 নচেৎ স্বস্থানে তুমি করহ প্রস্থান ।

এত শুনি জিহ্বা কাটি ভাবে দ্বিজ মনে,
 পিপাসায় প্রাণ যায় কি করি এখন ।
 ভ্রাক্ষণ হিন্দুর ছেলে করিব কেমনে,
 অভক্ষ্য যখনপাক গোমাৎস ভক্ষণ ।

এত ভাবি স্থির কৈল মনে বিচারিয়া,
গোমাংস কখন নাহি করিব ভক্ষণ ।
চলিলেক অতঃপর সে ঘাট ত্যজিয়া,
তৃতীয় ঘাটের দিকে করিল গমন ।

রয়েছে বসিয়া এক ষোড়শী রমণী,
যাইয়া তথায় দ্বিজ করিল দর্শন ।
রূপে অনুপমা জিনি অনঙ্গমোহিনী,
প্রকাশিছে হাব ভাবকটাক্ষ ক্ষেপণ ।

হেরিয়া ব্রাহ্মণে বামা জিজ্ঞাসে তখন,
কে তুমি ঠাকুর হেথা কিবা প্রয়োজন ।
কহে দ্বিজ আমি কোন পথিক ব্রাহ্মণ,
করিবারে জলপান হেথা আগমন ।

এত শুনি যত্নভাবে উত্তরিল ধনি,
এ ঘাটেতে পার জল পান করিবারে ।
কুলের কামিনী আমি যুবতী রমণী,
মম ধর্ম নষ্ট যদি পার করিবারে ।

কর্ণেতে অঙ্গুলি দ্বিজ করিয়া প্রদান,
 কহিলেক রমণীয়ে ডাকিয়া তখন ।
 পিপাসায় যদি মোর যায় আজ প্রাণ,
 তবু আমা হতে ইহা না হবে সাধন ।

এতেক কহিয়া দ্বিজ সে ঘাট ত্যজিয়া,
 চতুর্থ ঘাটেতে শেষ করিল গমন ।
 করিলেক দরশন তথায় যাইয়া,
 শীর্ণকায় অতিবৃদ্ধ জনৈক ব্রাহ্মণ ।

হেরিয়া পথিকে বৃদ্ধ জিজ্ঞাসে তখন,
 কোন্ কার্য্য হেতু হেথা তব আগমন ।
 কহিল পথিক আমি তৃষ্ণার্ত ব্রাহ্মণ,
 আসিয়াছি করিবারে তৃষ্ণা নিবারণ ।

শুনি এ সকল বৃদ্ধ কহিল তাহারে,
 এ ঘাটেতে জল তুমি পাইবে খাইতে
 যত্নপি পারহ অগ্রে বঞ্চিত আমারে,
 নচেৎ প্রশ্নান কর এ স্থান হইতে ।

এতেক শুনিয়া দ্বিজ স্তম্ভিত হইয়া,
 ভাবে মনে কিছুই ত না পারি বুঝিতে ।
 ঠেকিলু বিষম দায়ে হেথায় আসিয়া,
 পিপাসায় বুঝি আজ হইল মরিতে ।

হতাশ অন্তরে তবে সে ঘাট ত্যজিল,
 ক্লান্ত হয়ে তরুতলে যাইয়া বসিল ।
 এ দিকে পিপাসা তার বাড়িতে লাগিল,
 ক্রমশঃ অসহরূপ হইয়া উঠিল ।

ঘোর পিপাসায় শেষ নারি সম্বরিতে,
 যন্ত্রণায় দ্বিজ তবে করিল মনন ।
 যে কোন ঘাটেতে হোক্ হবে জল খেতে,
 প্রাণদায়ে পাপকর্ম্ম করিব সাধন ।

এত স্থির করি পুনঃ লাগিল ভাবিতে,
 কোন্ ঘাটে গিয়া এবে করি জলপান ।
 ব্রহ্মহত্যা মহাপাপ হইবে করিতে.
 করিলে চতুর্থ ঘাটে তৃষ্ণা নিবারণ ।

পিপাসায় নিজ প্রাণ রক্ষা করিবারে,
নির্দোষী ব্রাহ্মণে কেন করিব সংহার ।
হেন কার্য্য আমি নাহি পারি করিবারে,
ইহাপেক্ষা শ্রেষ্ঠ হয় মরণ আমার ।

তৃতীয় ঘাটেতে যদি করি জলপান,
কুলকামিনীর ধর্ম্ম হবে নাশিবারে ।
হেন পাপ করি যদি রাখি আজ প্রাণ,
নরকেতে স্থান মোর হবে চিরতরে ।

হবে মোরে করিবারে গোমাংস ভক্ষণ,
যদ্যপি দ্বিতীয় ঘাটে করি জলপান ।
এ কার্য্য বা কেমনেতে করিব সাধন,
ইহাপেক্ষা ভাল যদি যায় মোর প্রাণ ।

প্রথম ঘাটেতে যদি করি জলপান,
তা হলে হইবে মোরে মদিরা খাইতে ।
ইহাতেও আছে পাপ, কি করি এখন,
জল বিনা বুঝি আজ হইল মরিতে ।

চারি ঘাটে চারি কথা করিহু শ্রবণ,
তার মধ্যে মদ্যপানে অম্প দোষ হয় ।
অতএব এই কার্য্য করিব সাধন,
ইহা ভিন্ন আর কিছু না দেখি উপায় ।

ঔষধার্থে সুরাপান আছে ত বিধান ।
প্রাণদায়ে আমি আজ করি মদ্যপান ।
কি হবে ভাবিলে আর বিধি বিড়ম্বন,
মদ্যপান আছে মোর অদৃষ্টে লিখন ।

এত স্থির করি তবে চলিল ব্রাহ্মণ,
প্রথম ঘাটেতে পুনঃ দিলেন দর্শন ।
কহিলেন যুবকেরে করি সম্ভাষণ,
করিব হে মদ্যপান করেছি মনন ।

এতেক শুনিয়া যুবা উঠিয়া তখন,
হস্ত ধরি ব্রাহ্মণেরে কাছে বসাইল ।
মদিরাবোতল তারে করিল অর্পণ,
চক্ষুকর্ণ বুজি দ্বিজ নিঃশেষ করিল ।

মদ্যপান করাইয়া যুবক তখন,
বসিয়া বিবিধ গম্পা আরম্ভ করিল ।
তৃষ্ণা শ্রান্তি ক্লেশ সব ভুলিল ব্রাহ্মণ,
ক্রমশঃ অন্তর তার প্রফুল্ল হইল ।

যতই মদের নেশা ধরিতে লাগিল,
ততই মস্তিষ্ক তার বিকৃতি পাইল ।
হিতাহিত বিবেচনা সব হারাইল,
এ দিকে জঠরানল জ্বলিয়া উঠিল ।

হেথায় দ্বিতীয় ঘাটে যখন তখন,
সৌগন্ধ বিস্তারি করে গোমাংস রন্ধন
নেশার ধমকে দ্বিজ করিল মনন,
সম্মুখেতে খাদ্য কেন না করি ভক্ষণ ।

তাজিয়া সে ঘাট দ্বিজ টলিতে টলিতে,
দ্বিতীয় ঘাটেতে তবে করিল গমন ।
বসিয়া আমোদভরে, যবনের সাথে,
গোমাংস ভক্ষণে কৈল উদর পূরণ ।

এ দিকে তৃতীয় ঘাটে রমণী তখন,
 দ্বিজ প্রতি অঙ্গভঙ্গী করিতে লাগিল ।
 হেরিয়া ব্রাহ্মণ মনে হল উচাটন,
 মদের বিঘোরে হৃদি শিথিল হইল ।

পাপপুণ্য বিবেচনা ভুলিয়া ব্রাহ্মণ,
 কামাতুর হয়ে তথা করিল গমন ।
 লয়ে যুবতীকে বক্ষে করিয়া ধারণ,
 কাণ্ডজ্ঞান হারাইয়া দিল আলিঙ্গন ।

অম্পমাত্র জ্ঞান তার হইল তখন,
 ভাবিল করি'ল আমি কি কার্য সাধন ।
 করিলাম মদ্যপান গোমাংস ভক্ষণ,
 অবশেষ কুলস্ত্রীর সতীত্ব নিধন ।

পুনশ্চ নেশার ঘোরে ভাবিল ব্রাহ্মণ,
 যা হবার হইয়াছে কি হবে এখন ।
 মম পাপকর্ম কেহ করেনি দর্শন,
 অতএব হেথা হতে করি পলায়ন ।

এত ভাবি চাহে দ্বিজ করিতে গমন,
 হেনকালে অকস্মাৎ করিল দর্শন ।
 বসিয়া চতুর্থ ঘাটে সে বৃদ্ধ ব্রাহ্মণ,
 করিছে তাহার গতিবিধি দরশন ।

হেরিয়া তাহারে দ্বিজ লাগিল ভাবিতে,
 এ বৃদ্ধ সকলি হেথা করেছে দর্শন ।
 কেমনে দেখাব মুখ জনসমাজেতে,
 যদ্যপি সবায়ে করে এ সব বর্ণন ।

এতেক ভাবিয়া তথা করিয়া গমন,
 বৃদ্ধ ব্রাহ্মণের প্রাণ করিল সংহার ।
 চলিলেক অতঃপর ত্যজিয়া সেস্থান,
 প্রকাশের সম্ভাবনা না দেখিয়া আর ।

ক্রমে দ্বারদেশে আসি উপস্থিত হৈল,
 এ দিকে নেশাও তার কমিয়া আসিল ।
 এ হেন সময়ে তথা প্রহরী আইল,
 সম্ভাষি ব্রাহ্মণে তবে জিজ্ঞাসা করিল ।

বলহে ধার্মিক দ্বিজ পথিক সূজন,
কোন সত্য এবে তুমি করিলে পালন ।
শুনি হেট মুণ্ড তবে হইল ব্রাহ্মণ,
লাজ ভরে মুখে নাহি সরিল বচন ।

হেরিয়া ব্রাহ্মণে তবে লাজে ত্রিয়মাণ,
সস্তাষি প্রহরী তারে রুহিল তখন ।
অম্প দোষ ভাবি মত্ত করেছিলে পান,
কি ফল হইল তার দেখহ এখন ।

পাপভয়ে না করিলে গোমাংস ভক্ষণ,
না করিলে অবলার সতীত্ব নিধন ।
ব্রহ্মহত্যা মহাপাপে না হইল মন,
অম্প পাপ ভাবি মত্ত করিলে ভক্ষণ ।

কিন্তু সর্ব পাপ কৰ্ম করিলে সাধন,
মদ্যপান করি তুমি হারাইয়া জ্ঞান ।
হেন কৰ্ম নাহি মুদে না হয় সাধন,
সকল দোষের মূল এই মদ্যপান ।

পল্লিগ্রামে সমাধি দর্শনে

—*—

দিবা অবসান হেরি সন্ধ্যা আগমনে,
দেবালয় মাঝে হয় শঙ্খ ঘণ্টা রব ।
যত পশুপাল সব মন্দির গমনে,
চলিছে প্রান্তুর মাঝে করি কলরব ।

নিজ নিজ কর্ম করি দিবসের শেষে,
চলিছে কৃষক সব পরিশ্রম ভরে ।
মৃদুমন্দ পদক্ষেপে গৃহের উদ্দেশে,
ক্রমশঃ ঘেরিল ধরা ঘোর অন্ধকারে ।

প্রান্তরের স্বাভাবিক সৌন্দর্য্য যে সব,
দিবসেতে ছিল যাহা হয়ে দীপ্তমান ।
এখন বিলীন ক্রমে হতেছে সে সব,
স্পষ্ট রূপে নাহি আর হয় দৃশ্যমান ।

গভীর নিস্তব্ধ হৈল সমস্ত ভুবন,
অন্য কোন শব্দ আর নাহিক এখন ।
মাঝে মাঝে শুধু খালি ঝিঁ ঝিঁ পোকাগণ,
ঝিঁ ঝিঁ রবে অল্প শব্দ করে উচ্চারণ ।

সুদূরেতে মেষশালে হতেছে বাজন,
মেঘগললগ্ন ঘণ্টা শ্রবণমোহন ।
নিদ্রা আনিবার তরে যেন মেঘগণ,
বাজাতেছে ধীরে ধীরে কঁরি আন্দোলন ।

•

লতিকায় আচ্ছাদিত অট্টালিকা হতে,
করিছে কর্কশধ্বনি পেচক এখন ।
যেন অভিযোগ করে চন্দ্রে জ্ঞানতে,
অন্য কেহ করে তারে বড় জ্বালাতন ।

বহু দিন হতে যথা করিতেছে বাস,
নিভৃত আবাস তার সঙ্গোপন স্থান ।
অন্য কেহ আসি স্বেদা ভ্রমি চারিপাশ,
হতেছে নিয়ত তার বিরক্ত ভাজন ।

বজ্রকায় তরুগণ রয়েছে যথায়,
 নিজ নিজ শাখা সব করিয়া বিস্তার ।
 করিতেছে ছায়া দান নিম্নেতে তথায়,
 তৃণযুক্ত অসমান ভুমিখণ্ডোপর ।

তথায় ভূগর্ভে সেই অপ্রশস্ত স্থান,
 কত শত জন তাহে রয়েছে নিহিত ।
 পল্লিগ্রামবাসী যত পূর্ব পিতৃগণ,
 অনন্ত নিদ্রার ঘোরে হইয়া নিদ্রিত ।

উষার সৌরভপূর্ণ সুমন্দ পবন,
 পক্ষীগণ কলরব হেরিয়া প্রভাতে ।
 কিস্বা প্রতিধ্বনিকর শিঙ্গার গজ্জন,
 এ নিদ্রায় তাহাদের নারিবে জাগাতে

ইহাদের তরে আর নাহিক কখন,
 জ্বলিবেক অগ্নিকুণ্ড বিশ্রামের তরে ।
 ব্যস্ত গৃহকর্ত্তী নাহি করিবে যতন,
 দিবা শেষ হেরি সন্ধ্যা আয়োজন তরে

দিবসান্তে গৃহে পিতা আসিত যখন,
পূর্বমত এবে আর যত শিশুগণ ।
আনন্দে অক্ষুট স্বর করি উচ্চারণ,
ধাইবে না করিবারে পিতৃ সন্তাষণ ।

কিন্মা জনকের জানু করিয়া ধারণ,
এবে আর কেহ নাহি করিবে যতন ।
প্রত্যেকেই সর্ব্ব অগ্রে করিতে গ্রহণ,
জনকের স্নেহপূর্ণ স্মৃষ্টিচূষন !

কত সুখে এককালে এই লোকগণ,
পরিপক্ক শস্য সব করেছে কর্তন ।
করিয়াছে যুতিকায় লাল্লল চালন,
করেছে কুঠারাঘাতে বিটপি ছেদন ।

ওহে উচ্চ অভিলাষি মানব যতেক,
কোর না কখন যেন হাস্যাম্পদ জ্ঞান ।
ইহাদের পরিশ্রম সাংসারিক সুখ,
দূরদৃষ্টে ইহাদের অজ্ঞাত জীবন ।

যুগায়ুক্ত হাস্যসহ কোর না শ্রবণ,
 ওহে সমারোহ প্রিয় ধনাঢ্য মানব ।
 ইহাদের অতি অল্প সামান্য জীবন,
 কিছু মাত্র নাহি যাহে করিতে গৌরব

বংশের গৌরব আর ঐশ্বর্য প্রতাপ,
 সৌন্দর্য্য সম্পত্তি সাধ্য যত কিছু ধন ।
 মৃত্যুকালে সকলেই হইবেক লোপ,
 যশস্কর কর্ম ফল অকাল মরণ ।

দোষারোপ পল্লিগ্রাম জনগণোপর,
 গর্বিত মানবগণ কোর না কখন ।
 মৃতদের স্মরণার্থ সমাধি উপর,
 করেনি বলিয়া এরা মন্দির গঠন ।

খচিত বিবিধ চারু চিত্রে মনোহর,
 মন্দিরের অভ্যন্তরে বিস্তৃত প্রাঙ্গণ ।
 যথায় মৃতের যত কর্ম যশস্কর,
 সগৌরবে উচ্চকণ্ঠে হয় উচ্চারণ ।

মৃতদের ইতিবৃত্ত পূর্ণিত আধার,
কিস্বা প্রতিমূর্ত্তি যেন জীবন্ত প্রতিমা ।
পারে কি করিতে কভু জীবন সঞ্চার,
আসিয়াছে যেই দেহ মৃত্যুর কালিমা ?

মান্যনীয় উপাধিতে পারে কি কখন,
করিবারে মৃত জনে উৎসাহ বর্দ্ধন ?
পারে কি প্রশংসাবাদ তুষ্টি সম্পাদন,
করিবারে মৃতকর্মে বধিরু শ্রবণ ?

না জানি এ অজানিত স্থানে কত জন,
সম গুণবান হায় রয়েছে নিহিত ।
স্বর্গীয় বিশুদ্ধ প্রেমে উন্মত্ত যে জন,
ধর্ম্মের আগ্রহে যার হৃদয় পূর্ণিত ।

না জানি রয়েছে হেথা কত যোগ্য জন,
রাজদণ্ড ধরি রাজ্য পারিত শাসিতে ।
কিস্বা মুগ্ধ করিবারে পারিত ভুবন,
নিজ নিজ মূললিত কবিত্ব শক্তিতে ।

কিন্তু হয় এ সকল যত অভাজন,
করেনি কখন হয় বিদ্যা উপার্জন ।
বিবিধ ঘটনা পূর্ণ সময় বর্গন,
ভাগ্য দোষে এরা কভু করেনি পঠন

মহৎ উদ্দেশ্য আর গুণ ভাগ যত,
ইহাদের হৃদয়েতে আছিল গোপন ।
ভীষণ দারিদ্র ছুঃখে হইয়া পীড়িত,
কোন কালে পারে নাই হইতে স্ফুরণ

সমুদ্রে স্বর্গভীর তিমির গহ্বর,
অমূল্য রতন তথা রহিয়াছে কত ।
কতই সৌরভ পূর্ণ কুসুম সুন্দর,
হইতেছে অজানিত স্থানে প্রস্ফুটিত

রয়েছে নিহিত হেথা আহা কত জন,
দোহঁদে সাহসে যারা হ্যাম্পডেন্ সম
পারিত তাড়াতে অত্যাচারি-রাজগণ,
ভীষণ সমরানলে প্রকাশি বিক্রম ।

আছে হেথা কত জন মিল্টন্ সম,
পারিত মোহিতে ধরা কবিত্ব শক্তিতে ।
কিষ্ণা বিনা রক্তপাতে ক্রম্য়েন্ সম,
সামান্য অবস্থা হতে রাজ্যপদ পেতে ।

ইহাদের অদৃষ্টেতে ঘটেনি কখন,
সমাজে প্রশংসা করি বক্তৃতা লভিতে ।
শারীরিক কষ্ট কিষ্ণা সমূলে নিধন,
এ সকল ভয় হৃদে তাচ্ছিল্য করিতে ।

ইহাদের অদৃষ্টেতে ঘটেনি কখন,
স্বদেশের প্রাচুর্য্যতা করিতে বর্দ্ধন ।
কিষ্ণা হেরি প্রজাবৃন্দ প্রফুল্ল বদন,
জানিবারে স্বদেশের উন্নতি সাধন ।

ইহাদের পুণ্য কর্ম পুণ্ড্র পূর্ণিত,
যদ্যপিও অতিশয় আছিল সংক্ষিপ্ত ।
তথাপিও ইহাদের পাপ কর্ম যত,
সেই রূপ পরিমাণে ছিল পরিমিত ।

ইহাদের অদৃষ্টেতে হয়নি কখন,
 হত্যাকাণ্ড করি শেষ রাজ্যপদ পেতে
 মনুষ্য জাতির প্রতি করিতে বর্জ্জন,
 দয়া মায়া একেবারে অন্তর হইতে ।

যথার্থ বিষয় হৃদে করিয়া গোপন,
 হয়নি এদের কভু যন্ত্রণা পাইতে ।
 লজ্জার স্বভাবসিদ্ধ রক্তিম বরণ,
 হয়নি এদের কভু বদনে ঢাকিতে ।

ইহাদের অদৃষ্টেতে ঘটেনি কখন,
 যত্নসহ স্নেহধুর রচনা করিতে ।
 অলঙ্কার পরিপূর্ণ তোষামোদ গান,
 গর্বিত বিলাস-প্রিয় মানবে ভুষিতে ।

সহরের উনমত্ত যত লোকগণ,
 স্বার্থ হেতু হয় যারা নীচ কর্ষে রত ।
 ইহাদের হৃদয়ের প্রশান্ত ঘনন,
 হয় নাই নীচ কভু তাহাদের মত ।

উপত্যকা মধ্যস্থিত ধীর প্রস্রবণ,
নিঃশব্দে প্রান্তুর মাঝে হয় প্রবাহিত ।
সেই রূপ ইহাদের অজ্ঞাত জীবন,
নির্বিবাদে কুশলেতে হইয়াছে গত ।

তথাপিও যুতদের কবর উপরি,
অপমানকর কিছু না হয় ঘটন ।
সেই হেতু রাখিয়াছে উন্মোলন করি,
নহে দীর্ঘকাল স্থায়ী সামান্য নিশান ।

সামান্য যুত্তিকা স্তূপ আকৃতি বর্জিত,
খোদিত সামান্য শ্লোকে কুৎসিত লিখন ।
পথিকদিগের চক্ষে হইয়া পতিত,
দীর্ঘশ্বাস তাহাদের করায় ক্ষেপণ ।

শোকের সঙ্গীত কিম্বা যশঃ গুণ গান,
ইহাদের কিছু মাত্র নাহিক খোদিত ।
এদের কেবল মাত্র বয়ঃক্রম নাম,
অশিক্ষিত কবি দ্বারা হয়েছে লিখিত ।

ধর্ম-শাস্ত্র হতে শ্লোক করিয়া উদ্ধৃত,
 কবরের চারিধারে করেছে লিখন ।
 হেরি পল্লিবাসীগণ হইবে শিক্ষিত,
 কেমনে মরিতে হয় নিষ্পাপ মরণ ।

কে আছে এমন জন কে করে মনন ?
 সাধপূর্ণ সুখময় জীবন তাহার ।
 মৃত্যুপরে হবে সবে চির-বিস্মরণ,
 কোন কালে কেহ তারে না ভাবিবে আর ?

জীবনের সুখধাম সখের শরীর,
 কেবা আছে হেন জন পারে গো ছাড়িতে ?
 অনিচ্ছা প্রকাশি নাহি হেরে একবার,
 স্নেহ মায়া মমতায় বিসর্জন দিতে ?

মুমূর্ষু জীবন তার হয় রে কাতর,
 ত্যজিবারে চিরতরে ভালবাসা জন ।
 অন্তিমেষু মনে মনে হয় আশা তার,
 করিবে তাহার শোকে অপরে রোদন ।

কবরে নিহিত কিম্বা ভস্মে পরিণত,
জীবনান্তে মৃতদেহ হয়রে যখন ।
তখনো তাহারা যেন আশে অবিরত,
করিবে এ সব হেরি তাদের স্মরণ ।

অজানিত মৃতদের সরল জীবন,
মন আমার সযতনে করিছ বর্ণনা ।
যদ্যপি আমার মত অন্য কোন জন,
ভবিষ্যতে অকস্মাৎ করিলে কামনা ।

বিরলে বসিয়া যদি চিন্তার মাঝারে,
বাসনা হৃদয়ে তার হয় হে কখন ।
আমার অদৃষ্টলিপি জানিবার তরে,
হয় ত বলিবে কোন ক্লষক প্রবীণ ।

“হেরিতাম প্রতিদিন প্রভূষে তাহারে,
দ্রুত পদক্ষেপে করি শিশির মর্দন ।
তৃণযুক্ত অম্পোন্নত ভূমিখণ্ডোপরে,
ধাইতেছে সূর্য্যোদয় করিতে দর্শন ।

“দ্বিপ্রহরে তরুতলে দেখিতাম তারে,
 দেহভার বিস্তারিয়া রয়েছে শুইয়া ।
 চেয়ে আছে একদৃষ্টে শ্রোতস্বিনী পরে,
 কলস্বরে কাছে যাহা যেতেছে বহিয়া ।

“দেখিতাম সন্মুখস্থ অরণ্য সমীপে,
 স্থণায়ুক্ত ভাবে যেন হাসিতেছে ক্ষণে ।
 চলিছে কখন কভু বকিছে প্রলাপে,
 নানাবিধ চিন্তা যাহা জাগিতেছে মনে ।

“নির্বাসিত জন প্রায় হতেছে কখন,
 চিন্তানলে জর জর অবসন্ন কায় ।
 হইতেছে কখন বা বিষাদে মগন,
 হইয়াছে যেন তার নিরাশ প্রণয় ।

“এক দিন প্রাতঃকালে না দেখিছু তারে,
 পর্বতে যথায় সদা করিত গমন ।
 কিম্বা তরুতলে কিম্বা অরণ্য মাঝারে,
 সতত যথায় তারে করেছি দর্শন ।

“পর দিন হৈল তবু না দেখিলু তারে,
তটিনীর তীরে যথা থাকিত সে জন ।
কিষ্ণা যথা তৃণযুক্ত ভূমিখণ্ডোপরে,
হেরিবারে সূর্য্যোদয় করিত গমন !

“হেরি পর দিন তারে যেতেছে লইয়া,
অন্তিম সঙ্গীত গান করি শোকভরে ।
পড়িবারে পার তুমি এ সহ পড়িয়া,
প্রস্তুরে খোদিত লেখা স্মৃতি উপরে ।”

সমাধিস্তম্ভ ।

*

রয়েছে শুইয়া হেথা ভূগর্ভ ক্রোড়েতে,
ধন মান বিবর্জিত যুবক জনৈক ।
দরিদ্র জনম তার পারেনি রোধিতে,
করিবারে জ্ঞান লাভ স্বভাব অধিক ।

আজীবন দুর্দশায় করেছে ক্ষেপণ,
 দানশীল গুণ তার যথেষ্ট আছিল ।
 পর দুঃখে দুঃখী হয়ে করিয়াছে দান,
 যা কিছু আছিল ধন খালি অশ্রুজল ।

সরলতা পরিপূর্ণ ছিল তার মন,
 সেই হেতু বিধি তাঁরে করেছিল দান ।
 এক মাত্র যাহা কিছু করেছে যাচন,
 পরম সুহৃদ এক বান্ধব রতন ।

কোর না অধিক চেষ্টা জানিবার তরে,
 ইহার সদৃশ কিম্বা দোষভাগ যত ।
 আশাসহ ভয়ে তারা রয়েছে কবরে,
 ঈশ্বরের প্রতি সব করিয়া অর্পিত ।

সংসার ।

অসার সংসার, মায়ার আগার,,
শোক দুঃখ নিরন্তর ।

মোহ রূপ যন্ত্রে, . হইয়া চালিত,
ভ্রমিতেছে যত নর ।

মনুষ্য জনম, করিয়া গ্রহণ,
সুখী কেহ কভু নয় ।

আশার কুহকে, হয়ে জড়ীভূত,
মায়া পাশে বদ্ধ রয় ।

শৈশবে মানব, সরল হৃদয়,
সুখ দুঃখ নাহি জানে ।

অমৃত গরল, সম জ্ঞান সবে,
দ্বेष হিংসা নাহি মনে ।

তথাপিও হয়, নাহিক তাহার,
সতত সন্তুষ্ট মন ।

ইচ্ছা মনে মনে, থাকে অনুক্ষণ,
নিকটে জননী স্তন

বাল্যাবস্থা কালে, বিদ্যাভ্যাস তরে,
সতত চিন্তিত মন ।

দিবানিশি ধরি, বহু পরিশ্রমে,
করে বিদ্যা উপার্জন ।

ক্রমশঃ যৌবনে, করি পদার্পণ,
কত চিন্তা অবিরত ।

ইন্দ্রিয় লালসা, • প্রণয় পিপাসা,
প্রেম আশা কত মত ।

সংসার সাগরে, হইতে মগন,
রমণীতে জাধ মনে ।

বিবাহ করিয়া, প্রবেশে সংসারে,
লয়ে প্রণয়িনী ধনে ।

নিজের ভাবনা, ছিল এত দিন,
পরের ভাবনা নয় ।

দৌহার ভাবনা, হইল ভাবিতে,
নব চিন্তা অভ্যুদয় ।

ক্রমশঃ যখন, সন্তানাদিগণ,
হইতে লাগিলু তার ।

নানা রূপ চিন্তা, হইল তখন,
ভেবে অস্থিচর্য্য সারি ।

আত্মজন কেহ, হইলে পীড়িত,
নিদ্রাহার সব যায় ।

ভাবে সদা হয়, কি করি উপায়,
রোগ মুক্ত কিসে হয় ।

কালের কবলে, হইলে পতিত,
জ্ঞান বুদ্ধি লোপ পায় ।

মহা কষ্ট ভরে, হা হতাশ করে,
শোকানলে দগ্ধ হয় ।

বার্দ্ধক্যে মানব, জরাগ্রস্ত হয়ে,
বিবিধ যাতনা পায় ।

নিত্য নিত্য রোগ, নিত্য নব শোক,
অবলী অচল কায় ।

দৃষ্টিহীন চক্ষু, বধির শ্রবণ,
নিজে নিজাধীন নয় ।

নিকট মরণ, শমনের ভয়ে,
ভয়াকুল বড় হয় ।

আজন্ম হইতে, মরণ পর্য্যন্ত,
চিন্তা ছাড়া যেবা নয় ।

সংসার মাঝারে, কেমনে তাহার,
হইবে সুখী হৃদয় ?

দারিদ্র্য দশায়, হইয়া কাতর,
কেহ বহু কষ্ট পায় ।

কেহ ভাবে পুনঃ, কেমনেতে করি,
মর্যাদায় দিন ক্ষয় ।

ঐশ্বর্য্য সম্পত্তি, মান রূপ যশ,
কেমনে হইবে খ্যাত ।

বিবিধ আশায়, হইয়া আবদ্ধ,
হয় নর ব্যতিব্যস্ত ।

কারো বা আবার, না হয় কুলান,
অর্থ প্রয়োজন মত ।

কাহারো আবার, পরিজনগণ,
নাহি হয় মনোমত ।

কেহ ভাবে মনে, কেমনেতে করি,
অর্থ কিছু উপার্জন ।

কেহ বা আবার, ভাবিছে কেমনে,
সম্পত্তি করি বর্দ্ধন ।

পুত্র নাহি যার, মহা দুঃখে তার,
সতত দুঃখিত মন ।

সংসার মাঝারে, না জানিহু হায়,
সন্তান কেমন ধন ।

বিধি বিড়ম্বনে, সন্তানের মুখ,
না হল দর্শন ঘোর ।

ঝুঝি বা পরেতে, আছয়ে অদৃষ্টে,
নরক যন্ত্রণা ঘোর ।

আছে পুত্র যার, সেও নয় সুখী,
তাহারো চিন্তিত মন ।

লালন পালন, করিবার তরে,
সন্তান সন্ততিগণ ।

কেমনে তাহারা, হবে সুশিক্ষিত,
সৎকর্মে হবে রত ।

নানা রূপ চিন্তা, হয় কত মত,
চিন্তাকুল সদা চিত ।

ষড়রিপুগণে, করিবারে ভুষ্ট,
সতত চিন্তিত কেহ ।

বাস্তিত রতনে, পাইবার তরে,
কেহ ভাবে অহরহঃ ।

কেহ পাপ কর্মে, হয়ে সদা রত,
করে ছিদ্র অন্ত্রেষণ ।

বিবিধ উপায়ে, কেহ করে সদা,
নিজ স্বার্থ সম্বন্ধন ।

ধনবান যেবা, সেও নয় সুখী,
নির্ধনিও সুখী নয় ।


আমির ফকির, রাজা প্রজা আদি,
সকলেই দুঃখ পায় ।

যে যেমন লোক, তার তেয়ি চিন্তা,
চিন্তায় আকুল সবে ।

কেমন করিয়া, বল দেখি তবে,
সংসারেতে সুখ পাবে ?

সংসার জ্বালায়, হয়ে জ্বালাতন,
বলে মুখে তবে শেষ ।

এ ছার সংসারে, নাহিক কখন,
সুখের পরশ লেশ ।



সম্পূর্ণ ।

